

PAULO TỸ CARTA HAN: FILIPOS TÁ KE AG MỸ CARTA

1 ¹Paulo tỹ rá vễ, inh. Isỹ cidade tỹ Filipos tá ke ag mỹ rán hã vễ. Kỹ Timóteo vỹ inh mré ajag mỹ jênêg mũ gé, vênh rá tag ti, inh mré Jesus Cristo mỹ rãnhrãj tĩ tag ti. Isỹ ajag mỹ ti rá tag jênê vễ, ajag tỹ tỹ Jesus Cristo ki ge kỹ nỹtĩn kỹ. Kỹ sóg ajag pã'i ag mỹ jênêg mũ gé, ù tỹ ajag ki rĩr tĩ ag mỹ ke gé. ²Êg jóg tỹ Topê jé ajag tar han, ti jé ajag krĩ kuprãg, êg Senhor tỹ Jesus Cristo ke gé.

Paulo tỹ Topê mré vĩ

³Ajag to sóg Topê mré vĩ há han tĩ, sỹ ajag mĩ êkrén kỹ. ⁴Sỹ ajag to Topê mré vĩ kỹ inh fe tóg mrin ke tĩ. Inh mỹ tóg sér tĩ, sỹ ajag mĩ êkrén kỹ. ⁵Ajag tỹ inh mré Jesus kãmén kỹ tóg inh mỹ há tĩ, ajag tỹ inh mré ti to tar nỹtĩn kỹ. Kỹ sóg Topê mỹ vĩ há han tĩ, ajag to. Isỹ ajag mỹ ti vĩ tó vén kỹ ajag tóg kãnhmar inh mré ti kãmén ja nĩgtĩ, kỹ ajag tóg ùri ti vi tó há han tĩ gé. Tovãnh tũ ajag nĩ. Kỹ tóg inh mỹ sér tĩ. ⁶Tag ki kanhró sóg nĩ, ha mẽ. Topê vỹ ajag krĩn rà nĩ, komêr hã, nén ù há kar to. Kỹ tóg ajag krĩn tĩgtĩ sir, ti tỹ komêr hã ajag krĩn kãn jé, Jesus Cristo kãtig mãn ke kurã to hã. Ti hã vỹ ajag krĩn ke mũ, Topê ti. ⁷Tag to sóg jykrén, sỹ ajag mĩ êkrén kỹ. Hã ra tóg há nĩ. Inh fe vỹ tỹ ajag nỹtĩ. Inh hã mré tóg ajag tar han tĩ, êg Senhor ti. Hã kỹ ajag tóg inh mré jagãgtar nỹtĩ, inh se kỹ jê tag ti to. Isỹ vãsỹ kavãr kỹ jê ja nĩn kỹ sóg ag mỹ Topê vĩ kãmén ja nĩgtĩ, kỹ ajag tóg inh mré to tar nỹtĩ ja nĩgtĩ gé, pã'i ag tỹ inh ki Jesus jêmén kỹ ke gé. Kỹ ajag tóg ùri inh mré ti to tar nỹtĩ gé. ⁸Sỹ ajag kar venh há tóg tĩ, kỹ Topê vỹ ki kanhró nĩ. Inh mỹ ajag tóg tỹ inh fe pẽ nỹtĩ, êg tỹ Jesus Cristo mỹ tỹ ti fe pẽ ên ri ke ajag nỹtĩ, inh mỹ. ⁹Sỹ Topê mré vĩn kỹ sóg ti mỹ tag tó tĩ, ajag to, ha mẽ. “Jagnê to há ag nỹtĩ,” he sóg tĩ, Topê mỹ. “Ag tỹ komêr hã jagnê to há kar nỹtĩ han nĩ,” he sóg tĩ ajag to, Topê mỹ. “Ag kanhrãn nĩ gé, ag tỹ komêr hã ã jykre ki kanhrãn kãn jé, ag tỹ ki króm kãn jé,” he sóg tĩ, ajag to. ¹⁰“Ã tỹ ag kanhrãn kỹ ag tóg nén (ũ) há kar ki kanhró nỹtĩnh ke mũ. Kỹ ag tóg to jykrén há han ke mũ, ag tỹ nén ù ve sór kỹ. “Tag vỹ há pe nĩ, tag vỹ há sĩ nĩ,” he jé ag tóg ke mũ, ã tỹ ag kanhrãn kỹ,”

he sóg tí ājag to, Topē mý. Ājag tý tag to jykren há nýtín ký ājag tóg jānhkri nýtính ke mū, ký ājag tóg mý'āg mǎn ke tū nī, Cristo kātīg mǎn ke kurā ēn kā. ¹¹Ký ājag tóg vēnh jykre há han kǎn ke mū sir, Jesus Cristo tý ājag mý ā jykre há ēn nīm ký. Hā jé sóg Topē mý ājag tó tí. Ti tý ājag krī kugrynh ký vēnh kar tóg ti tý ūn mág nī venh ke mū. Ký ag tóg ti mý vī há han ke mū gé sir.

Jesus tý inh jykre

¹²Inh kanhkā', inh jagtar mū ra Jesus kāme tóg vēnh kar kri rūm ke mū. Tag to jykren. ¹³Vēnh kar tóg mē kǎn, ti vī ti, polícia ag mré hā, ū tý palácio ki rír ti ag mré hā. Cristo tigrín sóg se ký jē, hā vég ag tóg mū. ¹⁴Ký Jesus mré ke tý hēn ri ke ag vỹ fe tar nýtī gé sir, ēg Senhor jykre to, inh se ký jē tag tigrín. Hā ký ag tóg Topē vī tó tí sir, ag tý to fe tar nýtín ký, ag mūmēg vānh nýtín ký. ¹⁵Ū ag tóg iso jū nýtī, ha ký ag tóg Jesus tó tí, ag tý inh ri ke han sórn ký. Ký ū ag tóg iso há nýtī, hā ký ag tóg ti tó tí sir. ¹⁶Topē vī hā to sóg se ký jē, sý pā'i ag mý ti kāmén jé. Topē tý inh mý vēnh rānhrāj nīm hā vē. Hā vég ag tóg tí, ū tý iso há nýtī ag, ký ag tóg ti vī tó tí, ū tý iso há nýtī ag. ¹⁷Ū ag tóg hā ra iso jū nýtī, hā ký ag tóg ón ký Cristo kāmén tí, ag tý inh vī kǎfór han sór ký. Ag tý inh kato tē mū ag tý iso jū han sór vēgtī gé, ag tý inh se tý hēn ri ke han sór vē. Hā jé ag tóg Cristo vī tó tí. ¹⁸Hā ra sóg ag to vēnh mý nī sór tū nī. Cristo tó ag tóg mū mýr. Ū tóg ón ký tó tí, jo ū tóg tó há han tí. Ag kar vỹ ti tó tí, ký tóg há tí. Hā ký tóg inh mý sér tí, ký sóg inh mý sér tý tū' he sór tū nī.

¹⁹Hā ra sóg kren ke mū gé, ha vemnī. Ki kanhró sóg nī. Ājag hā ne iso Topē mré vī tí, ký Jesus Cristo vỹ isar han tí gé, ā kuprīg tý. Hā ký sóg kren ke mū. ²⁰Ký sóg tag jāvānh mū, ha mē. Hēn ri ke mūn ag tóg inh kyvān ke mū, hēn ri ke mūn ag tóg isén ke mū. Isý tag to jykren kónān tū nī jé, hā jé sóg ti mré vī tí. Isar han jé tóg ke mū, sý nén ū kamēg tū nī jé, sý ti kavēnh tū nī jé, inh mý'āg tū nī jé. Vēnh kar tý isigrín Jesus tý tý ūn mág nī ven ký tóg inh mý sér tí. ²¹Inh jykre hā vỹ tý Cristo ti nī, hā ký sóg iser ký ti venh tīg ke mū, ký tóg sér tí. ²²Ký sóg hā ra inh kren ký ti rānhrāj hā han ke mū. Hā ký sóg sý nén han sór mū ki kagtīg nī. ²³Inh kren ke mý inh mý hán tí vỹ, iser ke vó? he sóg tí. Iser ký sóg Cristo mré nī nī, ký tag tóg inh mý há pē nī, isý ti venh há tūn ký. ²⁴Jāvo isý ājag mré nīn ký sóg ājag tar han ke mū, ký tag tóg inh mý há kǎfór nī. ²⁵Hā tóg inh mý ge nī. Kren jé sóg ke mū, he sóg tí, ký sóg ājag kar mré nīnh ke mū. Ājag ve jé sóg ke mū, ājag tý komēr hā inh vī mē ký ti vī kri fi kǎn jé. Ký tóg ājag mý sér tūnh mū, ha vemnī. ²⁶Isý ājag mré nī mǎn ken ký tóg inh mý há tūnh mū. Ký ājag fe tóg mrin ke tāvī han ke mū, ājag tý inh ve mǎn ký. Ājag mý sóg tý ūn mág jē, Jesus Cristo tigrín.

²⁷Ha vé, Cristo jykre hā han nī, tag hā to vāsānsān nī. Hēn ri ke mūn sóg ājag venh kātīg ke mū, hēn ri ke mūn sóg ājag venh kātīg ke tū nī. Inh kātī tū ra jagnē mré vēnh jykre pir han ký nýtīmñī, Jesus kāme hā tómnī, ti ki ge ký nýtīmñī. Sý tag mēnh há tóg tí, ājag to. ²⁸Ū tý ēg kato vāsānsān mū ag kamēg tūg nī, hā tūgnīn ag tóg ājag tý nūgme ki vár ke ki kanhró nýtī, inferno ki. Hā tūgnīn ājag tóg ājag krenkren ke mū ēn ki kanhró nýtī gé sir. Topē vỹ ēg tar han

ke mū, ěg t̄y ag t̄y h̄en ri ke jé gé, ũ t̄y ěg kato vāsānsān mū ěn ag t̄y. ²⁹Cristo ki ge k̄y ājag n̄t̄i, k̄y ājag tóg ti tugr̄in jagāgtar n̄t̄inh ke mū gé. Hã jé tóg ājag kupr̄eg. ³⁰Hã k̄y ājag tóg inh kóm ti jagy vэг ti gé. Ag t̄y vās̄y inh kato vāsānsān ěn ve ja ājag tóg n̄gt̄i gé. Ūri sóg hã vэг ti ver. K̄y inh kóm tar n̄t̄imn̄i.

Topě kósin t̄y t̄y ěprã ke n̄i

2 ¹Ha vé, s̄y ājag jyv̄en sór mū, ha mē. Ājag t̄y Jesus jykre han k̄y n̄t̄i tag v̄y ājag tar han t̄i. Ti t̄y ājag to há n̄i tag v̄y sér t̄i. Ti kupr̄ig v̄y t̄y ājag jagr̄e n̄i. K̄y ājag tóg jagnē to há n̄t̄i gé, jagnē jagāgtān ājag tóg ti gé. ²K̄y inh jagāgtān n̄i gé, inh fe t̄y m̄rin kemn̄i gé, inh m̄y sér t̄i jé. Jagnē mré v̄enh jykre pir hã han n̄i, ha mē. Jagnē to há tāv̄i n̄t̄imn̄i. Ājag t̄y n̄en ũ to jykren k̄y jagnē mré to jykren n̄i, ājag t̄y v̄enh jykre pir hã han jé. ³Vēs̄y ũn mág han sór t̄ug n̄i, jagnē kãfór han sór t̄ug n̄i. “T̄y inh ũn s̄i n̄i,” hemn̄i. Jagnē to: “inh kãfór ti n̄i,” hemn̄i gé. ⁴Ājag t̄y ājag t̄u ki r̄ir mré hã jagnē t̄un ki r̄irmn̄i gé. ⁵Jesus Cristo kóm ti jykre han n̄i gé, jagnē m̄y. Ti t̄y v̄enh jykre han hã vē, ha mē.

⁶Topě hã p̄e ja ti n̄i m̄yr, Jesus ti, ti t̄y ti mré n̄in k̄y. Hã ra tóg tá n̄i k̄y: “is̄u vē, kanhkã ti, hã k̄y sóg ěprã ke ag to t̄ig ke t̄u n̄i,” he ja t̄u n̄i. ⁷Kanhkã tá ã t̄y n̄en tovānh k̄an sór ja ti n̄i, k̄y tóg ěg ri ke n̄i jé kãt̄ig sór ja n̄i, hã k̄y tóg kãt̄ig ja n̄i. Ěprã ke jagtar ri ke tóg n̄i, ti t̄y ěprã ke fi ki mur k̄y. ěg t̄y ěprã ti ve k̄y tóg t̄y ěg hã p̄e n̄i, ti t̄y kanhkã tá t̄y Topě hã p̄e ja ra. ⁸Vēs̄y ũn mág han ja t̄u tóg n̄i, k̄y tóg ã jóg v̄i hã han ja n̄gt̄i. Ti v̄i han k̄y tóg ter ja n̄i, cruz to sa k̄y tóg ter ja n̄i, m̄yr, ha mē. ⁹Hã k̄y Topě tóg ti t̄y v̄enh kar kãfór han sir, k̄y tóg ti j̄ijin mū sir, k̄y ti j̄jy tag tóg v̄enh kar j̄ygji kãfór n̄i. ¹⁰Ěg t̄y ti j̄jy mē k̄y v̄enh kar ag tóg ti kr̄em m̄ugm̄ug ke k̄an mū sir, kanhkã tá ke kar ag, ěprã ke kar ag ke gé, v̄enh kupr̄ig kar ag ke gé. ¹¹K̄y v̄enh kar ag tóg: “Jesus Cristo v̄y t̄y pã'i mág n̄i,” henh ke mū sir. Tag hã tugr̄in ag tóg sir Topě to: “t̄y tóg ěg kãfór kar n̄i,” he mū. Tag to jykren n̄i, ājag t̄y ti kóm han jé, Jesus Cristo kóm.

Ěg t̄y ěprã ke ag m̄y j̄engr̄e há han

¹²Inh kanhkã', ājag ki sóg fe n̄i. Inh v̄i han ājag tóg m̄ugt̄i, s̄y ājag mré n̄in k̄y, hã ra sóg ũri ājag mré n̄i t̄u n̄i. Ge ra inh v̄i kri fi há han n̄i. Ājag krenkren ke vē, k̄y Topě jykre hã han n̄i. Topě kam̄eg n̄i, ājag fe t̄y j̄ur̄in kemn̄i. “Ti m̄y ěg to j̄unh ke t̄u n̄i v̄y?” hemn̄i. K̄y ti jykre hã han n̄i. ¹³Ti hã ne tóg ājag kr̄in há han t̄i', ti jykre t̄y ājag m̄y sér t̄in jé, ājag t̄y hã m̄i hã m̄un jé.

¹⁴Ājag t̄y ti jykre han k̄y ti jykre to v̄i v̄i he t̄ug n̄i, ti t̄y kej̄en ājag m̄y jagy ra. K̄y jagnē m̄y jagnē v̄i kafān t̄ug n̄i gé, ti jykre to. ¹⁵Hã tugn̄in ũ tóg ājag to jykren kónān ke t̄u n̄i, ājag t̄y kygn̄eg t̄u n̄in k̄y. K̄y ājag tóg jānhkri n̄t̄i. K̄y ājag tóg t̄y Topě kr̄e n̄t̄i gé, ājag t̄y ti jykre há ri ke n̄t̄in k̄y. Ěprã ke kar v̄y jykre pāno n̄t̄i, Topě v̄i mranh k̄y ag tóg n̄t̄i, ājag t̄y ũn mré ga kri mū ag. K̄y ājag tóg ag m̄y j̄engr̄e ri ke n̄t̄i, ājag t̄y ag m̄y Topě v̄i kām̄en k̄y, ũ t̄y ěg r̄inr̄ir han mū ěn v̄i ti. ¹⁶Ājag t̄y tag han k̄y sóg t̄y ũn mág j̄enh ke mū gé, ājag

tugrĩn, Cristo kãtĩg mãn ke kurã ãn kã. Kĩ sóg ãjag to: “inh pi(jé) fagrĩnh mĩ ag to vãsãn', inh pi(jé) fagrĩnh mĩ ag mĩ Topê ví kãmén!,” henh ke mũ.

¹⁷Hẽn ri ke mũn ag isén ke mũ, kĩ inh kyvénh tỹ inh ki kutê kĩ tóg ãg tỹ Topê mĩ nén ù pũn ri ke nĩnh mũ. ãjag tỹ ti ki ge kĩ nỹtĩ tugrĩn ke vê. Ge ra tóg inh mĩ sér tĩnh mũ. Inh fe tóg mrin kenh ke mũ, ãjag kóm. ¹⁸Kĩ tóg inh mĩ ti tỹ ãjag mĩ sér tĩnh há tí gé, iser ke ti.

Timóteo mré Epafrodito

¹⁹Sỹ ãjag mĩ Timóteo jẽnẽnh há tóg tí, ãg Senhor tỹ to: “hej,” hen kỹ. Sỹ ti jẽnẽnh ke vê, ti tỹ tá vỹn ke kỹ inh mĩ ãjag kãmén jé. Kĩ inh krĩ tóg ãjag to kãnhvy' henh ke mũ sir, isỹ ãjag vémé há mẽn kỹ. ²⁰Ti hã ne tóg ãjag mĩ êkrén mág tí', Timóteo ti. Û tóg ti ri ke tũ pe nĩ, ti tỹ ãjag to há nĩn ki. ²¹Ag kar vỹ: “inh rãnhraj vỹ inh kutãn mũ,” he kãn mũ. Hã kỹ ag tóg Jesus rãnhraj han tũ nĩgtĩ. ²²Hã ra ãjag tóg Timóteo ki kanhró nỹtĩ. Inh kósin ri ke ti nĩ. ãg krê ag vỹ ãg mré ãg rãnhraj han tí. Kĩ Timóteo vỹ inh mré Topê ví tó tỹ rãnhraj tĩgtĩ, ti tỹ tỹ inh kósin ri ke nĩn kỹ. ²³Ti hã jẽnẽ jé sóg ke mũ, ãjag to. Hã ra sóg ver ag tỹ inh mĩ nén tónh ke jãvãnh sór mũ, ù tỹ inh ség mũ ag. Isỹ ag tỹ inh mĩ nén tó mũ mẽ kar kỹ sóg vãhã ti jẽnẽnh ke mũ. ²⁴Hẽn ri ke mũn sóg kãnhmar ãjag venh tĩg ke mũ gé. ãg Senhor tỹ Jesus hã ne ki kanhró nĩ'.

²⁵Hã ra tóg sỹ vêsýmér ù jẽnẽnh há tí, ãjag to. Hã kỹ sóg Epafrodito mỹ: “ha ag to vỹn ké,” he mũ. ãjag hã ne ti jẽnẽ ja nĩgtĩ', ti tỹ inh ki rĩr jé. Kĩ tóg inh mĩ há tí. Inh mré tóg Topê rãnhraj han tí mỹr. Kĩ tóg inh mré Topê ví to jagtar nĩ gé. ²⁶Hã ra tóg ãjag mĩ êkrég mũ, Epafrodito ti. Kĩ tóg ãjag to krĩ kufy jagy nĩ sir, ãjag tỹ ti kaga mẽ ja ãn tugrĩn. ²⁷Kaga ja tóg nĩgtĩ mỹr, kỹ tóg ter kren ja nĩgtĩ. Hã ra Topê tóg ti jagãgtãn, kỹ tóg há' he mũ sir. Ti ter ra sóg ijagtar tag krĩg mỹ vêsýrénh mág ke mũ vê, hã ra Topê tóg ti jagãgtãn, kỹ tóg inh jagãgtãn gé. ²⁸Hã kỹ sóg ti mỹ: “ha tĩg, ã tĩg to fũrũn,” he mũ sir, ãjag fe tỹ mrin ke jé, ãjag tỹ ti ve kỹ. Hã kỹ inh jagtar tóg pãgsĩ' henh mũ gé sir. ²⁹Ti jun kỹ ti to mỹ sér nỹtĩmnĩ, ãjag tỹ ti ve mãn kỹ, ãg Senhor tỹ ti jy nĩgãn kỹ. Kỹ ti mỹ: “há tóg tí,” hemnĩ, ãjag mỹ sér tĩn kỹ, ti kãtĩg kỹ. ³⁰Cristo rãnhraj tugrĩn tóg ter kren mỹr. Hã ra tóg tovãnh ja tũ nĩ, ã ter kren mũ ra. Hã kỹ tóg inh ki rĩr há han. ãjag jëgja kã jëg kỹ tóg inh ki rĩr há han. Û tỹ ge mỹ ví há han nĩ.

Jesus tỹ ãg kurynh pẽ han

3 ¹Inh kãnhkã', vãhã sóg ãjag mỹ nén ù tónh ke mũ gé sir, ha mẽ. ãg Senhor ki ãjag ge kỹ nỹtĩ, hã kỹ mỹ sér nỹtĩmnĩ. Tag rán inh huri, hã ra sóg rán mãn mũ. Sỹ ãjag mỹ tag tó to sóg krónh ke sór tũ nĩ. ãjag mỹ tóg há tí, sỹ ti tỹ ãjag mỹ sér nĩ to ãjag jyvẽn kỹ.

²Vẽn ki rĩr. Òn kỹ Topê ví tó tí ag vỹ junjun ke mũ, vẽn jykre pãno han mũ ag, ha vemnĩ. Inh mỹ ag tóg cachorro ri ke nỹtĩ. Òn kỹ ag tóg ãjag gré junun fár kym sór mũ. Hã kỹ vẽn ki rĩr. ³“ãg fár kym hã tugrĩn ãg tóg tỹ Topê krê nỹtĩ,”

he ag tóg tĩ, ón kŷ. Hã tũ vĕ. Topĕ kuprĩg vŷ tŷ ěg jagrĕ nĩ, kŷ ěg tóg ěg jagrĕ tag tigrĩn Topĕ mŷ vĩ há han tĩ. Kŷ Jesus Cristo vŷ ěg mŷ tŷ ùn mág nĩ, ěg tŷ ti ki ge kŷ nŷtĩn kŷ. Hã tigrĩn ěg tóg tŷ Topĕ krĕ pĕ nŷtĩ. ěg tŷ ěg fár kym mũ ra tóg tŷ nĕn ù tũ nĩ sir. ěg fár vĕ mŷr, kŷ tóg ěg kren han ke tũ nĩ. ⁴ěg fár tŷ ěg kren han ki kanhró nĩ ra sóg tŷ inh kren han sór mũ vĕ. Moisés jykre hã tŷ ěg kren han ke ki kanhró nĩ ra sóg hã tŷ inh kren han sór mũ vĕ. Hã ra tóg ge tũ nŷ. ⁵Vãsŷ inh jykre hã vĕ, ha mĕ. Isŷ kurã tŷ 8 (ke) han kŷ ag tóg inh gré junun fár kym, isŷ tŷ povo tŷ Israel krĕ nĩn kŷ, ěg jóg'jóg ve tŷ Benjamim krĕ'krĕ ag kã ù. Kŷ inh han mũ fag vŷ tŷ Hebreu pĕ nŷtĩ. Inh mog kŷ sóg tŷ Fariseu nĩ, hã ra Fariseu ag tóg Judeu ag jykre to tar tävĩ nŷtĩ. ⁶Sŷ ěg jykre to tar pĕ nĩn hã kŷ sóg Jesus ki ge kŷ nŷtĩ ag vóg kónãn. Topĕ tŷ Moisés mŷ vĕnh jykre nĩm ja ěn ki króm kãn ja sóg nĩgtĩ mŷr. Vĕnh jykre ěn mranh ja tũ sóg nĩgtĩ, ěn kã sóg tŷ ùn kuryj ja nĩgtĩ. ⁷Hã kŷ sóg ag mŷ tŷ ùn há pĕ ja nĩgtĩ. Hã ra sóg ùri tag kar to: “nĕn ù tũ vĕ, inh kókĕn jé tóg ke mũ,” he mũ sir. Sŷ Cristo ki rã kŷ sóg ěn tovãnh kãn mũ sir. ⁸Kŷ, hã vĕ. Inh jykre si kar tóg inh mŷ kórég nŷ, ùri, ti tŷ inh kókĕn kŷ. Nĕn pir hã ne há nŷ, hã vŷ: isŷ ěg Senhor tŷ Jesus Cristo ki kanhró nĩ jé, he mũ. ěg tŷ nĕn ki kanhró kar kãfór ti nĩ, ěg tŷ ti ki kanhró nĩ ti. Tag to sóg inh jykre si ěn fón kãn. Inh mŷ tóg vĕnh jãgfa prĕnhprĕj ěn ri ke nŷ, inh jykre si ěn ti, isŷ Cristo hã ki rã kŷ jĕn kŷ. ⁹Kŷ sóg ti hã ki rã kŷ jĕ sir. ùri sóg Moisés jykre ki króm tigrĩn vĕsŷ ùn mág han mãn sór tũ nĩ ha. Jesus ki rã hã tigrĩn sóg tŷ ùn mág jĕ ha. Hã tigrĩn Topĕ tóg iso: “há ti jĕ ha,” he mũ. Jesus ki rã tigrĩn ke vĕ ha. ¹⁰Sŷ ti ki kanhrãn kŷ jĕ tag hã tóg inh mŷ há nŷ. Ti hã vŷ ã ter kar kŷ rĩr mãn, kŷ sóg ti mré rĩr mãn sór mũ gé. Hã jé sóg ti mré jagtar sór mũ gé, iser kŷ sóg ti ter ri ke han sór mũ gé. ¹¹Sŷ rĩr mãn há tóg tĩ mŷr, iser kar kŷ. Hã jé sóg ti ri ke han sór tĩ.

Vĕnhvó to comparação

¹²Ver sóg ki kanhrãn kãn ja tũ nĩ, ver sóg tá krŷg ja tũ nĩ. Hã ra sóg vãsãn tĩ, sŷ komĕr hã ti ki kanhrãn kãn jé, ti tŷ inh ki kanhró nĩ ěn ri ke, isŷ tŷ ti tũ jĕn kŷ, Cristo ti.

¹³Inh kanhkã', ver sóg tá krŷg ja tũ nĩ. Hã ra sóg tag han mũ, ha mĕ. Vĕsŷjãm sóg mĩ ěkrĕn mãn tũ nĩ ha, vãsãn mãn', vãsãn mãn', he jé sóg ke mũ ha, isŷ kejĕn tá krŷg jé. ¹⁴Ag tŷ jagnĕ mré pétĕ ri ke han sóg tĩ mŷr. Jagnĕ mré ag tóg pétĕ tĩ, ù tóg ganhar he sór tĩ. ěn ri ke han sóg tĩ. Inh ganho vŷ tŷ isŷ rĩr krŷg ja tũ venh ke ti nĩ. Hã jé Topĕ tóg ěg kuprĕg, Jesus Cristo tigrĩn.

¹⁵Ū tŷ Jesus to sygsanh mũ ag jé inh kóm han kãn. Ū tŷ hã ra to: “hã tũ vĕ,” hen kŷ Topĕ jé ti kanhrãn. ¹⁶Kŷ ãjag tŷ ti jykre mĕg mũ tag hã jagma mũmnĩ, ãjag tŷ tá junjun jé.

¹⁷Inh kanhkã', inh jykre hã han kãn nĩ. Kŷ ù tŷ inh jykre ri ke han mũ ěn jykre tugnŷm nĩ gé, ãjag tŷ ag mré hã han jé. ¹⁸Ū ag tóg ón kŷ Jesus Cristo ki ge kŷ nŷtĩ, hã ra ag tóg ti jykre kato vãsãnsãn mũ, Jesus tŷ ěg jagfŷ cruz to ter mũ ra. Ag kãmĕn inh huri mŷr, ãjag mŷ. Tó tŷ hĕn ri ke han isóg huri. Hã ra sóg ãjag mŷ ag tó mãn ke mũ gé sir. Inh fe kaj tóg tĩ, kŷ sóg fŷ mũ sir, ag jykre

to. ¹⁹Nũgme ki ag tóg vár ke mũ, inferno ki, ha mẽ. Jěn há tãví han sór ag tóg mũ, tag hã tóg ag mẽ sér tí. Nén tỹ ãg mẽ'a han tí tag hã tóg ag mẽ sér tí. Ëg tỹ tag mẽ vég tí ãn hã to ag tóg jykrén sór tí. ²⁰Ag jãvo ãg jamã vỹ tỹ kankhã tí nĩ. Kankhã tá tóg kãtig ke mũ, ãg kren han ke mũ ti, hã vỹ: ãg Senhor tỹ Jesus Cristo, he mũ. Tĩ hã jãvãnh ãg tóg nỹtĩ. ²¹Tĩ hã ne tóg ãg han mãn ke mũ!, ã kãtig kỹ!. Ëg tỹ ga kri mũn kỹ ãg tóg ver krój nỹtĩ, ãg tỹ tỹ ãprã ke nỹtĩn kỹ. Tĩ tỹ ãg han mãn kỹ, ti tỹ ãg mẽ ãg fãr tag han ken kỹ, kỹ ãg tóg ti ri ke nỹtĩnh mũ, ti mág ri ke, ti tar ri ke, ti sĩnvĩ ãn ri ke. Tĩ hã tóg ãg tỹ ù tag han mãn ke mũ, ti tỹ tỹ ùn tar nĩn kỹ. Tĩ tar tugnĩn tóg nén kar tỹ ã krẽm ke han mãn ke mũ gé.

Paulo tỹ ãg jyvẽn

4 ¹Inh kankhã!, tỹ ãjag tóg inh mẽ inh jãvy ri ke nỹtĩ, kỹ tóg sỹ ãjag venh há tũgtĩ, sỹ ãjag to há nĩn kỹ. ãjag hã tugnĩn inh fe tóg mrin ke tí, ãjag hã tugrĩn sóg tỹ ùn mág jẽ. ãjag to sóg há pẽ nĩ. Hã kỹ tar nỹtĩmĩ, ãg Senhor jykre to.

²Vãhã sóg Evódia fi jyvẽn sór mũ, Síntique fi ke gé, ha mẽ. “Jagnẽ mrẽ vẽnħ jykre pir hã han nĩ,” he sóg mũ, ãjag mẽ. “Jesus mrẽ ke vỹ tỹ ãjag nỹtĩ, kỹ jagnẽ kato vãsãn tũg nĩ,” he sóg tí. ³Kỹ sóg ã mẽ ke mũ gé, vỹ. Inh ri kén ã tóg ãg Senhor rãnrãj han tí. Kỹ fag jyvẽn nĩ, fag tỹ jagnẽ to há nỹtĩ jẽ. Inh mrẽ fag tóg vẽnħ kar mẽ Jesus kãmén tí, kỹ fag tóg Clemente mrẽ Topẽ ví ti tó tí gé, inh mrẽ ti tó mũ kar ag mrẽ ke gé. Fag jygjy vỹ rãnrãn kỹ nỹtĩ, Topẽ livron ki, hã kỹ fag tóg rĩr krỹg ja tũ venh ke mũ. Hã kỹ tóg tỹ ù nỹ, fag tỹ jagnẽ to jũ ti.

⁴Ëg Senhor mrẽ ke vỹ tỹ ãg nỹtĩ, kỹ mẽ sér nỹtĩmĩ. Tag tó inh huri, hã ra sóg tó mãn ke mũ sir, ha mẽ. Mỹ sér nỹtĩmĩ mỹr, ha mẽ.

⁵Vẽnħ kar to fe nỹtĩmĩ. Ëg Senhor kãtig mãn ke vỹ kakó tí ha, ha mẽ.

⁶Krĩ kufy nỹtĩ tũg nĩ. Nén kar tómnĩ, Topẽ mẽ, ti mrẽ vĩn kỹ. Kỹ ti mẽ nén kar to vĩmĩ gé, ãjag tỹ nén ve sór mũ kar to. Kỹ ti mẽ nén kar to: “há ti nĩ,” hemnĩ gé, ãjag tỹ ti mẽ agradecer hen kỹ. ⁷Kỹ Topẽ vỹ ãjag krĩ tỹ kuprã! henħ ke mũ. Ëg tỹ nén kar to jykrén há ra ãg tóg vėsóg ki ãg krĩ kuprãg ki kãtig nỹtĩ. Tĩ hã ne ãg fe tỹ há! he tí!, ti hã ne ãg krĩ kuprãg tí!, kỹ tóg kuprã pẽ nĩgtĩ sir, ti tỹ ãg krĩ tỹ kuprã! hen kỹ, ãg tỹ Jesus Cristo ki ge kỹ nỹtĩn kỹ.

⁸Inh kankhã!, vãhã sóg ãjag mẽ nén ù tó sór mũ gé. Nén ù há hã to jykrén nĩ, hã vỹ: “ki há tó,” he mũ. Ëg tỹ nén ù to: “há ti nĩ,” he ãn hã to jykrén nĩ. Vẽnħ jykre kuryj hã to jykrén nĩ, nén ù jãnhkri hã to jykrén nĩ. Nén ù sĩnvĩ kar to jykrén nĩ gé, ki hã ke kar to. Tag kar to ãg tóg: sér ti tí, he tí, hã kỹ to jykrén mág han nĩ. ⁹ãjag kanhrãn mág sóg huri, sỹ ãjag mẽ ti jykre kãmén kỹ. Kỹ ãjag tóg inh jykre tugnỹm ja nĩ gé. ãjag tỹ isỹ nén han mũ ãn hã han nĩ. Kỹ ù tỹ ãg krĩ kuprãg mũ ãn hã vỹ ãjag tar han ke mũ, Topẽ ti.

Paulo tỹ ag mẽ agradecer he

¹⁰Ha vé, inh fe tóg mrin ke mũ, ãjag tỹ inh mẽ nén ù jẽnẽn kỹ. Kỹ sóg to Topẽ mrẽ ví há han!, ví há han! he mũ. Inh mẽ ãjag tóg ãkrég mũgtĩ, hã kỹ ãjag tóg inh mẽ nén ù jẽnẽn mãn. Vãsỹ ãjag tỹ inh mẽ ne jẽnẽnħ ke tóg tũ tí,

hã kÿ ājag tóg inh mÿ nén ũ jĕnĕ ja tũ nĭgtĭ. Vãhã tóg jun, ājag tÿ inh mÿ nén jĕnĕg mũ ti. ¹¹Hã ra sóg ājag mÿ isÿ nén ve sór mũ ĕn ti tó ja tũ nĭ. Sÿ nén vég mũ kar vÿ inh mÿ há nÿ. ¹²Isÿ nén ũ vég tũ (hã) ra tóg inh mÿ há nÿgtĭ gé. Isÿ nén ũ e vég mũ ra tóg inh mÿ há nÿgtĭ gé. Nén kar tag ve sóg huri. Kejĕn sóg tógá nĭgtĭ, kejĕn sóg kókĭr nĭgtĭ. Kejĕn sóg nén ũ kar vég tĭ, kejĕn sóg nén ũ vég tũ nĭgtĭ. ¹³Nén kar to sóg tar nĭ, ĕg Senhor tÿ isar han kÿ.

¹⁴Hã ra tóg há nÿ, ājag tÿ inh jagāgtān kÿ, ājag tÿ inh jagtar nĭ tag to jykrĕn kÿ. ¹⁵Vãšÿ ājag tóg inh mÿ ũ nĭm ja nĭgtĭ gé, isÿ ājag mÿ Jesus kāmĕn vén kÿ. Sÿ ga tÿ Macedônia ki kutĕ kÿ ājag hã tóg inh mÿ nén ũ jĕnĕ ja nĭgtĭ, ājag pir mÿ, ājag, hã vÿ: Filipos tá ke ag, he mũ. Ũ pi(jĕ) ājag mrĕ isÿ nén vég mũ to jykrĕn ja nĭgtĭ', isÿ nén vég tũ ĕn to ke gé. Ājag pir mÿ ājag tóg inh mrĕ to jykrĕn inh hã, tag ki kanhró ājag tóg nÿtĭ. ¹⁶Isÿ cidade tÿ Tessalônica tá nĭn kÿ ājag tóg inh mÿ nén ũ jĕnĕ mǎn ja nĭgtĭ gé, kar kÿ ājag tóg ũ jĕnĕ mǎn', ũ jĕnĕ mǎn' he ja nĭgtĭ gé, ājag tÿ inh ki rĭr há han jĕ. ¹⁷Hã ra sóg isÿ jĕnkamy venh ke ĕn to jykrĕn sór tũ nĭgtĭ. Ājag tũ mág nÿtĭ kÿ tóg inh mÿ há tĭ. ¹⁸Nén kar vÿ inh ki junjun há han, kÿ sóg ve kǎn mũ, sÿ nén ve sór mũ ĕn ve kǎn inh huri. Epafrodito vÿ inh mÿ vin kǎn, ājag tÿ inh mÿ nén jĕnĕg mũ ti. Topĕ mÿ nĭm ja vĕ, ājag tÿ inh mÿ nén nĭm ja ti, kÿ tóg ti mÿ sér tĭ sir. Ti mÿ tóg ājag tÿ ti mÿ nén ger há pũn ĕn kri nĭ nĭ sir, ājag tÿ inh mÿ nén jĕnĕg mũ ĕn ti. ¹⁹Ēg jóg tÿ Topĕ vÿ ājag mÿ nĭm kǎn ke mũ, ājag tÿ nén ve sór mũ ĕn ti. Ti hã ne tóg nén kar tÿ tũ nĭ', kanhkã tá nĭ ĕn tĭ', hã kÿ tóg ājag mÿ nén kar nĭm ke mũ, Jesus Cristo tugrĭn. ²⁰Ēg kar jĕ ĕg jóg tÿ Topĕ to: “tÿ ti ũn mág nĭ, tÿ ti ũn tar nĭ,” hé, kÿ ĕg tÿ ti mÿ vĭ há han vÿ tũ' henh ke tũ nĭ. Hã vĕ.

Paulo tÿ ag mĭ ĕkrĕn

²¹Ũ tÿ Jesus Cristo ki ge kÿ nÿtĭ kar ag mĭ sóg ĕkrĕg tĭ. Ēg kanhkã tÿ tag ki inh mrĕ nÿtĭ ag vÿ ājag mĭ ĕkrĕg tĭ gé. ²²Kar kÿ tag mĭ ũ tÿ Topĕ ki ge kÿ nÿtĭ kar ag vÿ ājag mĭ ĕkrĕg tĭ gé, pǎ'i tÿ imperador ĩn tÿ palácio krĕm nÿtĭ ag kar ke gé.

²³Ēg pǎ'i tÿ Jesus Cristo jĕ ājag tar han. Hã vĕ.